




1542



高太史大全集

五

Inches 1 2 3 4 5 6 7 8


Centimetres 1 2 3 4 5 6 7 8 9 10 11 12 13 14 15 16 17 18 19

Blue Cyan Green Yellow Red Magenta White 3/Color Black

**TIFFEN** Color Control Patches

© The Tiffen Company, 2007





高太史大全集卷之十三

吳郡高啓季迪著

南州徐庸用理編

五言律詩

送吳縣令遷松陵

山縣彈琴罷江城露冕初  
夏霖湖更濶朝日市長虛  
柳下催耕鼓桑間問俗車  
秋風莫思去客館有鱸魚

寄沈校理

風雨清明後春寒未袂衣  
閉門聽鳥盡入寺看花稀  
獨酌愁難去相思夢欲飛  
艱難宜數見何事却長違



贈呂醫

藥院閉閑朝烟生積券燒求貞遊岳遍訪病出城遙  
收穀寧煩僕尋苓或遇樵世方多內熱一七倘能消

次韵陳留公見貽湖上行屯之作

湖陰巡壘罷緩服土仙舟景好看宜晚詩清賦爲秋  
葉應隨鳥散山欲趁波流亦有東遊興空憐未得酬

雨後飲西園偶然亭

晚酌櫻桃下歡來不奈春那知醉後客猶是亂中人  
雨霽飄還細花寒破未勻江臯舊遊處回首莫沾巾

高太史隣家桃花之十三

春色東家出相窺似有心曲垣遮自短別院閉還深  
影動疑人折香搔妬蝶尋好風時解意吹片拂羅襟

和王校理夜坐

池暝花如霧蒼蒼月照開梁空雙燕睡簾暗一螢來  
兵散誰家笛人違此夜杯如何對清景愁思却相催

答陳校書客懷

同患君尤甚時難覺意真愁邊長夜酒夢裏少年春  
遊遠荒家業交踈困露塵一杯歌短調誰聽不沾巾

酬余左司

門巷接垂楊同隣忘異鄉兒親欣見熟僕立厭言長

讀借風床簡炊分雨確梁亂來成久別能不爲情傷

宿道王蘭若

借榻到僧扉雖安未是歸  
瞑禽愁雪意夜篠助風威  
燭盡思燃帶衾寒起覆衣  
不知孤棹去明夕更何依

與詩客七人會飲余司馬園亭

居皆在北郭

情與酒兼和園亭駐晚珂  
家同榆社近人比竹林多  
短景催長宴醒吟雜醉歌  
亂離歡易失無厭數相過

登西澗小閣

層檻搆雲牢清寒灑客袍  
石稜添澗險閣勢借峰高  
風竹驚棲鳥霜藤緤飲猿  
欲題因境勝不敢易揮毫

江上荅徐卿見贈

煙樹近松陵扁舟晚獨乘  
江黃連渚霧野白滿田水  
往事愁人問虛名畏客稱  
無才任蕭散敢望鶴書徵  
除夕客中與家兄守歲

雨雪遠村中猿鳴旅館空  
守爐銷夜漏停燭待春風  
有恨能催老無文解送窮  
却憐今夕酒還與弟兄同  
南溪晚歸

流水出雲根遙通古寺門  
山深僧少俗人靜市如村  
馬渡知長淺魚行見不渾  
多情溪上月歸路照黃昏

丁孝廉惠冠巾

知試山人服冠巾遠寄重佳名因于夏舊製學林宗  
曩映秋吟髮歌宜晚醉容朝簪今已解期上華陽峯  
西園間興二首

看到竹過隣園林獨卧身鳥聲間似野人意倦知春  
殘雨驚池樹斜陽照隙塵如何堂上客不及燕來頻

又

當路關追攀端屋自掩闔聽鍾知近寺看畫憶登山  
曉櫛風林下宵吟雨閣間天應憐我懶獨與少年開

送謝茶

涼風起江海萬樹盡秋聲搖落豈堪別躊躇空復情

帆過京口渡砧響石頭城爲客歸宜早高堂白髮生

步至東臯

斜日半川明幽人每獨行愁懷逢暮慘詩意入秋清  
鳥啄枯楊碎蟲懸落葉輕如何得歸後猶似客中情

郊墅雜賦十六首

江水舍西東隣家是釣翁路痕深草沒井脉暗潮通  
籬隔蔬邊雨門開竹下風不因時賣畚何事入城中

其二

此鄉堪避地亂後戶翻增俗羨嫌欺客年豐愛施僧  
帶星耕處輒照雪紡時燈且作求田計元龍豈我能

其三

幽事向誰誇  
孤吟對晚沙  
浣衣江動月  
繫艇岸垂花  
行蟻如知路  
歸鳧自識家  
一尊茅屋底  
隨意荅春華

其四

春泥乘下路  
孤策自扶行  
身賤知農事  
心閑見物情  
魚鳴風欲起  
牛飯月初生  
漸喜無人識  
何煩易姓名

其五

移家到渚濱  
沙鳥便相親  
地僻偏容懶  
村荒却稱貧  
犬隨春籩女  
鷄喚曉畊人  
願得無愁事  
閒眠老此身

其六

紛紛謝人役  
寂寂戀吾屋  
細雨春零後  
斜陽社飲餘  
岼花飛趣蝶  
池葉墮驚魚  
好了公家事  
休令吏到廬

其七

路迂橋斷處  
門靜犢眠時  
孤墅藏群柳  
諸田灌一陂  
僮閑春作少  
婦懶午炊遲  
誰道花源好  
還令太守知

其八

虛閣近鳴湍  
應宜把一竿  
雨傷春麥爛  
風折晚蒲乾  
抱甕臨江汲  
携書入寺看  
自慙何獨幸  
世難此偷安

其九

亂渚交交白  
平蕪漫漫青  
賣薪沙店遠  
祈穀水祠靈

密雨侵簷重微風過網腥江邊多酒伴春去不會醒  
其十

入夜潮侵戶經秋雨壞垣里人淳少訟田父醉多言  
稻蟹燈前聚莎虫機下喧自應耽野趣不是忘鄉園

其十一

欲沽嗟市遠煙火隔江波客到寒齋少人歸晚渡多  
汗書燈燼落驚枕櫓聲過豈敢愁荒寂時危免負戈

其十二

野色迥蒼蒼門門葉滿塘僧來雙發兩漁卧一船霜  
靜裏脩香傳閑中錄酒方平生當世意到此里成忘

其十三

紅樹南江近青山北郭遙江清日渺渺林吟髮蕭蕭  
食鱸知晨釣聽歌識暮樵尋常送歸客不過水西樓

其十四

何處可徘徊林間共水隈夜歸家犬識春睡野禽催  
有地唯栽藥無村不見梅興來慙獨飲時喚老農陪

其十五

狂多愛出遊日日問江頭小草皆春意遙山自晚愁  
酒中時有得物外復何求不詠騷人調蘼蕪任滿洲

其十六



屋似臨卬宅耕非鄆杜田已償輸稅米未覓賣文錢  
把卷怜長日看花愧少年備然閉門處楊柳拈棹邊

采香逕

晨粧出采芳零露濕紅裳種徙山中品熏傳海外方  
抱筐歸蕙逕焚鼎薦蘭堂未足娛君寢西施體自香

響屧廊

廊虛應屧鳴響細識腰輕誰道吳強國唯銷舉足傾  
苔間滅古跡月下歇餘聲此夕人空聽山僧曳履行

臨頓里

其一

聞說橋東地高人舊隱居養生應有道覓舉絕無書  
愛救粘絲蝶噴驚出水魚時尋戴顯宅自駕短轆車

其二

應愛山齋好秋風不捲茅鑿渠侵蝕穴移樹帶禽巢  
人世真浮梗吾生豈繫匏不逢皮從事誰結歲寒交

其三

載酒携山榼安琴製石林鳧眠皆傍母蜂去自從王  
穀雨收茶早梅天晒藥忙不扶靈壽杖筋力老能強

其四

自少圖名意誰言世不知僧求開寺記客送買山資

細雨魚生子斜陽燕哺兒平生無事迫心苦爲尋詩  
其五

斬伐憑樵斧經綸在釣車薄雲還露月小雨不妨花  
酒債應多處詩名自一家虛煩時主召懶脫故衣麻

其六

長物元無有何勞犬護扉借看高士傳學製道人衣  
窓破容螢入船空載鶴歸定緣幽事繞不是宦情微

其七

澹泊心情在蕭疎髻影殘引泉規作沼留笋待成竿  
自洗沾泥屐誰收掛壁冠毛公新有約月夜禮天壇

其八

沐罷便輕幘消搖詠晚天清風蘇病鶴驟雨集鳴蟬  
舊史堆緗素新經錄洞玄誰知城郭裏別自有林泉

其九

汨汨泉通圃蕭蕭柳映門折花搖樹影踏藕損蓮根  
飢鴨呼歸艦新蚕試浴盆屋前高石在知是鬱林孫

其十

茶租催未得菊餌服還能行古時人笑文工造化憎  
貧留漁艇載老謝一書徵誰識先生樂依然卧枕肱

春申君廟

封吳開巨壤相楚服強隣名重三公子謀疎一婦人  
畫幃留古像珠履絕遺塵蕭鼓時迎祭還憐舊邑民

吳女墳

魚燈照艷魄夜冷珠衣薄白玉土中埋紅蘭霜後落  
不乘臺上鳳空舞橋邊鶴韓重未歸來泉宮秋寂寞

真娘墓

金釵塋小墳楊柳寺前村已斷蒼間信空歸月下覓  
山鶯留曲韻草露帶啼痕車馬逢寒食還來酌酒樽

鱸鄉亭

獨上鱸鄉亭秋風南浦生載送黃花句遙思張步兵

天空白水遠日墮赤楓明我亦東歸客一壺宜醉傾

堯峯院

堯帝何年到名猶在此峰岩留千尺井寺廢兩時鐘  
僧出因尋菌人來爲看松白雲深洞裏聞有聽經龍

慧聚寺次張祐韵

烟歛城初出朝來野欲吞危樵緣磴角倦衲憇松根  
剎表藏林寺鐘聞隔海村畫龍飛去久空掩殿堂門

石屋

雙崖立幽閣一洞開深宇青嶂近爲隣白雲閑作主  
不受杜陵風可避河朔暑華棟幾回新渠渠獨千古

贈竹里子

弭楫望迷林，閑爲淇澳吟。君家不可見，但聽煙中禽。  
日落逋雲遠，雨餘江水深。非同抱清節，歲晏後誰尋。

送金判官之吳江

送客常苦愁，送君愁最劇。江爲江上縣，近我鄉中宅。  
霜晴橘熟，秋水冷楓飄。夕難逐去帆，東京華坐微。後

漁

泛泛蒼波裏，全家寄一船。曾來屈澤畔，或到杏壇邊。  
簑帶春江雨，柳鳴晚浦烟。得魚尋水店，換酒不論錢。

樵

慣識山中路，崎嶇每獨尋。穿雲衝過市，伐樹起棲禽。  
斧礪溪邊石，衣懸谷口林。逢仙休看奕，甲子易駸駸。

耕

江臯聞布谷，荷耜出柴門。春暖鳥捷快，朝晴綠樹繁。  
深耕行別隴，侍饁望前村。自得龐公計，遺安與子孫。

牧

一笛去茫茫，平郊綠草長。但知牛背穩，應笑馬蹄忙。  
度隴衝朝雨，歸村帶夕陽。相逢休挾策，回首恐忘羊。

夜起觀月

一春夜多雨，今宵初月明。窓間幽夢覺，起憶故園行。

露下花微委烟中鳥忽鳴誰同賞清景惆悵倚前楹  
贈劉醫師

君有抱朴意高齋長宴如壺中仙姥酒按上神農書  
蒸朮晚烟裏斲苓春雨餘起疾多傳妙慚予才自踈  
舟中早行

隆隆津鼓動江火留餘閃人家未起耕近水寒扉掩  
船開鳧鴨散樹吐烟霏斂東郭去方遙青山見孤點  
春日懷諸親舊

楊柳燕差差隣家換火時春寒添客思夜雨減蒼枝  
涉世悠悠夢懷人的的思出遊無舊侶空館獨題詩

江上見逃民家

清時無事政何事竟拋家隣叟收飢犬途人折好花  
林空烟不起門掩日將斜四海今安在歸來早種麻  
曉晴東臯步眺

江明片雨收樹暗一村幽籬落踈麻長田畦曲水流  
禽聲初變夏麥氣欲成秋閒步看時物今朝散旅憂  
賦得乾門送陳博士

聖廟儼王宮重闕盛衛同儒官趨內外武仗列西東  
乍啓鳴鍾始將扃徹俎終莫言墻九仞還有此能通

櫻桃

密綠映圓紅枝頭的的同熟迎梅實雨落值柳花風  
美女名偏稱流鶯啄未空憶曾春薦後捧賜出深宮  
金進士葵軒

幽園夏雨歇葵綠乍翻風獨向群芳後閒依萱草麓  
敷榮午簟側流馥夜窓中應有傾陽意將軍心正同

次倪雲林韻

雲林已白頭猶有晉風流愛寫滄洲趣閑來玄館遊  
茶烟秋淡淡竹雨暮備備欲向南池水長流清翰舟  
登南樓看雨有懷

清曉看江雨獨登江上樓人烟與草樹蕭瑟滿城秋

砧響寒稍急鴻聲哀更流故人隔楚塞西望忽成愁

晚霞獨酌南樓

倦客豈遷客故鄉非異鄉鱸肥蓴菜紫鴈到柳條黃  
湖濶已秋雨樓高猶夕陽登臨何必賦把酒據胡床

畊

春郊起東作來耜出柴荆柳下烏犍健桑間布谷鳴  
家人供遠餉刺史勸深耕已卜豐年候朝來好雨晴

追挽恭孝先生二首

關洛遺風在河汾舊業傳書攻藏簡後易窺出畜先  
曉禁辭持橐寒廳戀坐氈臨危誰復似身與勅俱全

北闕書空上東川教自陳可當哀亂日後喪老成人  
堂靜懸魚絕墳荒下馬頻傳家欣有子執筆際昌辰

漁

浮生何處好只在水雲鄉柳起鳴秋月綸收向夕陽  
箬蓬幽夢熟銅斗醉詩長不是烟波樂那能與世忘

題宋迪晚烟歸舍圖

落日下嵐嶺行人逢已稀隔烟望田舍映水掩荆扉  
鳥亂夕林暗草多秋迳微家人應候我賣畚郭中歸

贈東菴道者

雙樹夾成戶一溪流繞家掃林留送笋汲水帶浮花

經勘里人讀藥從仙客賒已無喧寂念默坐對鳴鴉

五言排律

月夜遊太湖

欲尋林屋隱還過洞庭遊遠水初涵夜長天盡作秋  
湖如青草瀾月似白蓮浮萬壑風傳笛三更斗挂舟  
葉應隨鳥散山欲趁波流浩蕩吾何適鷗夷不可求

詠夏水

寒收凝凍井晚薦納涼宮抱潔存天質銷炎奪化工  
氣蒸金盞潤色暎玉盤空弱藻含猶在纖塵隔未通  
非山寧可倚是水復當融照夜何須月驚秋詎待風

製屏應不穩作珮定難攻客貌清誰並仙肌瑩自同  
宜涵筠簟素愁逼桂爐紅願解行人渴分貽道路中

題黃鶴仙人畫

何處畫相同湘南與峽東江來落日外山出抄秋中  
綠桂騷人宅青蓮釋子宮鐘鳴樵谷暗船散市橋空  
風樹驚猿落烟蕪去鳥通平生遊楚興對此轉無窮

賦得履送符上人

穩稱遊方脚新編楚岸蒲滑欺峰頂石危怯在間途  
輕曳愁妨蟻高飛笑化鳧上堂聲每衆度嶺影還孤  
暑處朝行道拋時夜結趺空山欲相訪落葉去踪無

聞蛙

何處多啼蛤荒園暑潦天朕跳泥活活形蔽草芊芊  
野遠呼相應窪深樂自專斜陽漁罩外細雨客燈前  
莫問官私地聊占水旱年晴思蒲葉渚涼憶稻花田  
高士聽空愛遷入食未便洒灰誰解去安我夜窓眠

聖壽節早朝

天塔

聖圖昌流虹叶夢祥飛龍起江左戰馬放山陽御柳  
垂閭闔仙挑熟建章遠人陳貢篚近侍浥爐香金鏡  
千秋錄瑤池萬歲觴小臣欲拜手堯日正舒長



洪武二年十月甘露降後庭栢樹

上出示侍從臣啓獲預觀嘉瑞因賦詩頌之

和氣融為液中宵墜碧天光溥高栢上瑞發內庭前  
見日朝還泫經風晚盡堅芳穠蜂蜜滑的礫蚌珠圓  
厚澤歌難喻沉疴飲易痊願言同

聖德濡沃遍周旋

冬至 車駕南郊

駕動百靈訶齋宮午夜過禮行因日至樂奏合雲和  
配 祖崇周典祈年陋漢歌壁陳珠月滿燎發衆星  
羅秩秩威儀盛穰穰福祉多慶成應預喜四海沐

恩波

禁中雪

君王元尚儉臺殿忽瓊瑤環素凝宮治飛花綴苑條  
坊鷄驚曙早仗馬喜寒驕金扇開時看丹墀掃後朝  
台司呈賀表樂部奉仙謠須信陽光近都先別處消  
封建

親王 賜百官宴

漢運初興日周藩並建年辨方分社土當陞列宮縣  
上相傳金冊中官闢綺筵誓期山作礪

恩瀉酒如川仙李千枝茂天潢幾派連百僚咸醉喜

拜舞赤墀前

送安南使者杜舜卿還國應制

安南初入貢朝廷遣翰林學士張以寧賚

詔冊其主爲王及境而薨其世子遣舜卿  
來告哀且請命及還命朝臣賦詩送之

南粵知王化來庭喜最先地書通漢日貢紀入周年  
號冊絕臨境容衣忽掩泉使象

天語言嗣許國封傳曉開晴飛鳳炎溪晚墮鳶徃

來時物異存姦

聖恩全詔去開蠻霧帆歸望海天但脩忠順節並

業自綿延

送高麗賀正旦使張子溫還國

丹鳳雲中闕玄菟海外城新陽初獻歲遠使盡朝京

卉服充王貢珠梳仰

聖明花飛辭上國日出指歸程車餞都亭曉帆開島  
嶼晴莫辭頻入賀寶曆萬年盈

送鮑脩撰出官關中

辭朝西入陝車發動征塵小吏行時熟啼鴛別處頻  
關前周故尹灞上漢遺民直院青綾舊臨川赤組新  
山蓮樂遊苑樹繞富平津君去方年少還能論過秦

送恩公還江心寺

上人屋竇地勝處似金山樓閣開天界波濤隔世寰  
鍾聞孤嶼外剎出亂雲間螺女晨修饌龍君夜叩關  
遊方來暫會辭關去難攀舊業菱生沼離城柳暎  
灣衣霑爐氣出船載磬聲還施貝來江估持經地島  
蠻諸緣除未早半偈悟猶艱安得如康樂登臨此共  
閒

喜楊榮陽赴

召至京過宿寓館

忽作天涯會渾銷歲暮哀高城三鼓動虛館一尊開  
隣馬嘶空櫪江鴻過廢臺飲餘寒色退談絕雨聲來

涉患功名倦忘歸故舊猜闕前新應詔須讓子雲

才

長洲苑

中國久無伯闔閭思騁功講蒐開別苑訓武出離宮  
宰詔應恭乘巫臣寔御戎鼓鳴深谷應置掩廣場空  
遠曳指雲旆高弯射月弓王驅儀已畢七伐步還同  
甲騎從輿後蛾眉侍幄中黃胎須紫豹肺掌得玄熊  
樂事方難極英圖忽易窮城迷歌黍客地屬米莩童  
輦道崩秋雨旗門失晚風大亡競肆狡人去雉爭雄  
草樹迎蕭索湖山罷鬱葱猶疑見獵火寒燒夜深紅

詠花池

桃枝蕪杏枝春色繞宮池正愛紅繁處還憐綠淨時  
蒼香泛幽汀媚影照清漪垂條看妓折墮萼見魚吹  
盃涵明月瀉舟逐彩霞移水流花落盡君王醉不知

送高麗貢使還國

鳳闕層霄上菟城積水東  
大君方啓運絕域盡朝宗錫命分青土趨班列紫宮  
船歸瞻日出帆掛候西風雨露何沾渥華夷已混同  
聖心非悅貢惟念遠人忠

韓蘄王墓

宋室中興日將軍武畧優功宜超賈鄧名止並張劉  
白馬空南渡黃龍竟北游擔檜諸部種還報兩宮讐  
朝使頒金冊邊人織錦裘躍戈衝野陣橫棹截江流  
殘虜亡魂走中原指掌收未終藩閫寄已感廟堂謀  
坐散熊羆士聿臣犬豕酋和戎詞易屈復漢志難酬  
關聳吳山曉陵荒鞏樹秋蔗頗歸未老郭令罷誰留  
折檻言徒切藏弓勢可憂俄看星隕壘永使陸沉州  
感慨思前代淒涼吊古丘劍峯埋煖氣碑蘚剝螭頭  
石騎嘶風雨山僧護檟楸鼓旗何寂寂簡冊謾悠悠  
父老悲猶在英雄事已休棲鴉嶺前墓聞說更堪愁

石井泉

清源生石脉冷逼煮茶亭淨暎銀床色明開玉鑑形  
分秋歸客鼎汲月貯僧瓠樹影沉泓碧苔文漬壁清  
鑿中嘗可滌醉後嗽堪醒品第宜居首誰羞舊水經

焚香

艾藹山中品都夷海外芬龍洲傳舊採燕室試初焚  
奩印灰縈字爐呈玉鏤文乍飄猶掩冉將斷更氤氳  
薄散春江霧輕飛曉峽雲銷遲憑宿火度遠託微薰  
著物元無跡游空忽有紋天絲垂裊裊池浪動沄沄  
異馥來千和祥霏却衆輦嵐光風卷碎花氣日蒸醺

燈炮宵同歇茶烟午共紛褰帷嫌放早引七記添勒  
梧影吟成見鳩聲夢覺聞方傳媚寢法靈著辟邪勳  
小閣清秋雨低簾薄晚曛情慙韓掾染恩記魏王分  
宴客留鷓侶招仙降鶴群曾携朝罷袖尚氎舞時裙  
囊稱縫羅佩篝宜覆錦熏畫堂空搗桂素壁漫塗芸  
本欲叅童子何須學令君忘言深坐處端叱謝塵氛

詠夢

的的綠愁得濛濛與醉和輕隨雲浩蕩暗越嶺嗟峨  
夜店嗟偏短春闈想最多關山歸識路江渚去凌波  
梁落中宵月樓橫欲曙河隔簾休警鷓近燭任飛蛾

遊遠寧煩載穿深豈畏訶寒驚瑤作障暖戀錦成窩  
蝴蝶誰家信鴛鴦別浦歌靜嫵風動竹關怯雨鳴荷  
窸塵窓高紙低遲帳捲羅知情唯枕共送恨忽鍾過  
縞袂香猶在朱絃字不磨記來還彷彿尋去已蹉跎  
宿燼芬餘麝殘粧暈淺螺憂歡情總幻離合事皆訛  
池上吟芳草庭前覓舊柯既因思是種復念睡爲魔  
易斷俄如此難憑竟若何陽臺莫重問千古咲巫娥

荅胡博士留別二十韻

世緒名臣後聲華俊士前棘塲曹中的芹水舊鳴絃  
遠道秋風褐空齋夜雨羶倦游驚齒暮多難喜身全

孤客愁王粲諸生老鄭玄未應心戚戚還是腹便便  
杜曲無歸業成都有卜錢我方辭

闕下君尚隱江邊久話燈催剪頻過榻解懸擇隣欣  
得地結友愧忘年牧逕依門轉漁梁近渡連舊盟尋  
白鳥餘俸買烏糲流水空塘樹疎林破屋烟詎憂窮  
作崇但欲醉成仙政爾交歡密俄然別恨牽湖山入  
苑路鷄天載家船離索方堪嘆分携益可憐殊鄉難  
託主薄俗易輕賢寒浦通潮處春城罷雪天梅花未  
宜折持送只詩篇

戲嬰畵

芍藥風欄側梧桐露井傍嬌嬰爭晚戲少婦聞春粧  
共詫珠生蚌還憐玉產岡半披文錦緜斜佩紫羅囊  
額髮歲蕤短胸胞細膩光庭前王氏子陌上衛家郎  
弱草身眠軟芳英手弄香隨人貪作劇避伴學迷藏  
莫撲花蝴蝶宜爲蠟鳳凰塗添雲母粉浴試水沉湯  
麟送徐卿宅蘭生謝傅堂愛均看總好年並比誰長  
驥種雖難匹鶴雛已作行欣君得此畫真是夢熊祥

高太史大全集卷之十四

吳郡高啓季迪著

南州徐庸用理編

聯句

舞劍聯句

與會稽張憲夜飲觀銅臺李壯士舞劍而  
作

晚陌息鳴鑣憲秋成起嚴析登堂欣有會啓顧座歎  
無樂豪賓奉觴壽憲壯士掉箭作韻生飈拂鐔啓文  
綴星輝鏗拭土色纔動憲映火光轉燦寒瀉走澗泉

啓明懸溜蒼澤徒誇刀瑩膏憲謾詫七淬藥腥疑人  
血軋啓威攝鬼踪鑠雄聞莊子說憲醉想王郎斫聯  
翻倏鴻騫啓奮迅仍雀躍來如龍出淵憲去若蛇赴  
壑疾驚雷破山啓怒訝風捲漠初馳帆縱張憲忽注  
弩弛曠陰陽變開闔啓潮汝隨進却高步赴節同憲  
奇形分狀各斜迴象翼救啓曲踊肖拏擢歘驚西方  
帝憲凜怖東海若屋翻影紛綸啓地殷勢揮霍亂思  
突騎奔憲低見飢隼掠旁分萬夫斷啓前拉千槍拓  
出堪劫齊壇憲立可當蜀閣澤聞蛇姬啼啓路遇猿  
翁搏斬關豁然判憲擊柱鏗尔著陸疑濤涌床啓宵

駭虹闖幕警接已翻翻憲墜搞俄索索顛旭曾悟書  
啓俠軻記爭博目花匪酒酒憲膚粟似裘薄忠義氣  
盡張啓奸邪膽俱落不從玉訣計憲欲定銅臺約未  
數大娘強啓終勝處女弱李路袖手欽憲斐旻汗顏  
乍疾視誰敢當啓不成我慙學勇夫怒生癭憲恐僕  
戰成瘡功收刺虎奇啓志感聞鷄惡暫停月徘徊憲  
既罷天寂寞崆峒詎必倚啓氛侵行可廓馘妖正思  
今憲斷佞猶慕昨會合固有期啓死生良欲託寧憂  
武庫灾憲但俟凶門鑿慷慨勿悲歌啓淋漓且酣酌  
憲



劍池聯句

與張憲金起王偶同賦

飛梁上當空憲直壁下挿水兩樹交古陰啓孤亭倒  
 清泚初至意已愜憲再陟神亦靡氣消困龍藏起骨  
 朽山鬼死蒼崖出仙詩偶金藏闕僧史伯圖渺何在  
 憲世事倏如此佳遊信難遭啓壯志良未已凭欄瞰  
 神州起樹羽訝軍壘未靚煙塵清偶且耽林壑美臨  
 風揮一觥憲懋石脫雙屣鸞啄朱果殘啓蜂抱黃英  
 委琴咽斜陽蟬憲棋戰欲雨蟻溽暑避松篁啓輕涼  
 透藤椅瞑目思黑甜憲潛心翫玄旨籟響破虛寂啓

香飄聞旖旎飯鍾隔煙來憲樵笛呼月起整轡戎僕  
 夫啓揖鞭謝釋子龍聲吠喧呵起騎影歸迤邐餘戀  
 尚眷然偶重来那復爾明發抗塵容何由繼芳趾

病栢聯句

與青城杜寅郊郡徐賁遊白蓮寺見病栢  
 而作

抱質雖輪囷託根何坎壈寅死色見已深生意存猶  
 頗啓老枿焦半身餘葉禿偏髻賁恩謝漢陵春灾非  
 陸渾火寅柯傾痺待扶節漏瘡思累啓下窺封虵  
 上穴綴螺羸賁風欺聲告哀雨冒汗憎顛寅蟄空虺

喜容攀脫猿愁墮啓將斲豈中梁欲劓詎宜舸賁蓋  
疥缺青葱梢枯辭猗儺寅之子供爐焚無陰庇林坐  
啓蠹盡啄鳥飢巢傾蹟鷓跛賁臞形慘若疋突腹腫  
如果寅藤纏偶假粧蘇剝每慙裸啓主惜覲匠顏焦  
窺避僧邏賁土瘠力易衰岩危蟄難安寅殺懼苦霜  
仍鑿期甘露可啓成器未為福不材反逃禍賁依林  
尚足撐亞石猶磊砢寅閱歲失貞姿承陽愧纖朶啓  
操辜孔語稱名負杜吟播賁敢要秦樹封孰效禹梅  
鎖寅蟠深漫欲踞架重寧堪荷啓氣同生固均數異  
測誠賁膏乾燃不明屑墜掃還夥寅客伶弔賦悲

童棄培功情啓終護竟煩誰今看幸遭我賁

風雨聯句

與會稽張憲在報恩佛寺遇風雨而作

育風歎天興憲凍雨翻海瀉魚蝦落半空啓蛟龍鬪  
中野蟄吞九河黃憲功潤千里赭怒疑決沙囊啓振  
訝摧屋瓦橫行天兵駛憲大笑電毋哆乾坤發生多  
啓道路暘死寡潦漲濤涌川憲早去煙滅冶谷號竟  
誰嚙啓木撼不自把神靈貞悅惚憲造化非苟且初  
占月離畢啓又駭泗汶社必變其聖乎憲弗迷唯舜  
也陰岑氣如炊啓高葉聲若打陽烏韜不見憲乾鵲

禁皆啞重翳晦復明啓餘點歇還灑雖悅灌園人憲  
應愁渡江者侍王笑楚賦啓及我慙周雅避思泰山  
顛憲戰憶昆陽下雄夫七易失啓吝士蓋難假既露  
想大田憲廣庇思巨厦拮據向晚停啓紈扇未秋捨  
亂號官私蛙憲莫辨來去馬卧驚浪喧耳啓歸恐泥  
沒蹀勿憂卷茅屋憲且喜憇蘭若民期歲有登啓國  
荷天錫擬沛澤宜載歌憲新篇試姑寫啓

虎丘聯句

與潯陽張羽太原王行郊郡徐賁遊虎阜  
用壁間顏魯公韵作

山遊期屢阻風雨過今春羽偶遂林泉賞仍同里閑  
親行樹重迷卓午花盡謝芳辰啓事往非前代僧逢  
是故人賁金精虎氣寶藏衛龍神羽妖魄怜埋玉  
仙詩看勒登厨有供村遠寺無隣啓池古寒  
泉定林新賁井名猶記羽樓姓尚題陳羽步  
方循迴橈已待津行綠雖喧寂異妄本去來均  
啓摩壁追高韵應慙繼後塵

蓮房聯句

與金華宋遜張孟兼作

露冷鏡湖秋  
波涼練塘曉  
盤翻綠雲稠  
兼錦破朱

霞少新苞顆微綻啓餘葩莖尚弱瘦質綴寒蠶瑟尖  
啄啄青鳥下惟玉龍眠兼中有瓊絲裊擎重柄欲折  
啓含深晴尚宵瑟孤懸類覆盃兼雙立疑擢表啓初  
成欣雨滋兼漸老怯風掉啓多子同根榮啓獨婦專  
房悄瑟粧卸失娉婷啓歌來逢窈窕瑟剖心效諫忠  
兼並頭呈瑞兆啓馬蹄密窠窺瑟魚目微光皎啓珠  
珥落槃多啓瑤軼貯囊小瑟空實外莫辨啓甘苦中自  
了剥殘星滿地采盡香餘沼啓雕筵飮戢戢玉蟲攢  
擾擾送看出小艇薦喜對清醪兼新嘗勝江芡遠覓  
迷水蒸褰芳想夏初啓感物傷秋抄聊茲發吳詠啓

一覽煙水渺瑟

六言律詩

夫差女瓊姬墓

夢別芙蓉殿頭墮釵零落誰收土昏青鏡忘曉月冷  
珠襦恨秋麋鹿昔來廢苑牛羊今上荒丘香魂若怨  
亡國莫與西施共遊

甫里卽事四首

長橋短橋楊柳前浦後浦荷花人看旗出酒市鷓送  
船歸釣家風波欲起不起煙日將斜未斜絕勝茗中  
剡曲金鑿王鱸堪誇

江村樂四首

荷浦張弓射鴨柳塘持燭叉魚天隨子宅同里陶朱

公祠近屋

一犬竹隨餉榼群蛾飛繞綠車江邊女去摘茨城裏

人來賣茶

罾掛漁郎舍外船維酒媪橋邊烟波五湖朝渡風雨

孤村晝眠


日斜深塢牛卧潮落平沙蟹行秋社未開綠醞夜炊

初碓紅杭

讀道旁舊家碣

上題曰宋黃澹翁先生之墓

古路斜陽廢城斷碑荒草殘瑩莫嗔童豎樵牧不識  
先生姓名



楊氏山莊

斜陽流水幾里啼鳥空林一家客去詩題柿葉僧來  
供煮藤花

陶秘書廣陵送別畚

暮雨潮生瓜步春山樹繞蕪城惆悵離舟欲發江南  
煙寺鍾聲

七言近體

大駕親祀方丘選射齋宮奉次

御製韻

奠璧方壇曉祝釐豹竿風動從靈祇獻符多士詞昌  
運扈蹕諸蕃覲盛儀郊躅貫侯初復古汾祠獲鼎來  
云奇山川眾靜年多穀神荅  
皇心定有期

奉迎

車駕享太廟還宮

鳴蹕聲中曉仗迴錦裝馴象踏紅埃半空雲影看旗  
動滿道天香識

駕來漢耐祭餘清廟閉舜衣垂處紫宮開禮成海內  
人皆慶獻頌應慙自乏才

晚登南岡望都邑宮闕二首

落日登高望

帝幾龍蟠山下見龍飛雲霄雙闕開黃道煙樹三

宮接翠微沙苑馬閒秋獵罷天街車闕晚朝歸明

朝欲獻昇平頌還逐仙班入瑣闈

秦金不厭氣佳哉紫蓋黃旗此日開殘雪已銷鴉鵲

觀浮雲不隱鳳凰臺山如洛下層層出江自巴中渺

渺來六代衣冠捲塵土幸逢

昌運莫興哀

奉天殿進元史

詔預編摩辱

主知布衣亦得拜龍墀書成一代存殷鑒朝列千官

備漢儀漏盡秋城催仗早燭明春殿卷簾遲時清機

務應多暇閣下從容幸一披

九日陪諸閣老食賜糕次謝授經韻

叨陪講席按詞曹曉禁霜花點素袍院貯畚書西掖

靜雲連宮殿北山高故園莫憶黃花酒內府初嘗

赤棗糕最愛鳳毛今復見便令池上一揮毫

送沈左司從汪叅政分省陝西汪由御史中  
承出

重臣分陝去臺端  
賓從威儀盡漢官  
四塞河山歸版籍  
百年父老見衣冠  
函關月落聽鷄度  
華岳雲開立馬看  
知爾西行定回首  
如今江左是長安

吳僧日章講師赴

召脩蔣山普度佛事既罷東歸送別二首

萬人擁座聽潮音  
寶刹曾迂

玉駕臨佛法  
曉敷三藏秘

帝恩春及九原深  
鍾山坐處花頻雨  
練浦歸時樹欲

陰擬問楞伽  
嗟已別楚江  
飛錫暮沉沉

故鄉未解識清容  
却在金陵

關下逢中禁  
曾分齋鉢飯  
上方時叩講筵  
鍾一帆細雨迢迢  
浦半塔斜陽  
靄靄峰相送  
師歸忽多感  
飛雲亦戀舊依松

清明呈館中諸公

新煙著柳禁垣斜  
杏酪分香俗共誇  
白下有山皆繞郭  
清明無客不思家  
卞侯墓上迷芳草  
盧女門前暎落花  
喜得故人同待詔  
擬沽春酒醉京華

金陵喜逢董卿併送還武昌



兵後恣恣記別離  
兩年音問不相知  
武昌樓下初來日  
幙府門前忽見時  
上國花開同醉少  
大江潮落獨歸遲  
莫嗟握手還分手  
此會從前豈有期

送易左司分省廣西

朝廷特念遠民深  
畫省分官出桂林  
油幕乍開依漢節  
卉衣時到貢蠻金  
四時花發山多暖  
半日嵐開市尚陰  
虞帝祠前黃竹裏  
相思莫聽鷓鴣吟

送王檢校錡赴北平

十年同舍客京華  
看遍龍河寺裏花  
纔進史書朝日下  
便紆官綬去天涯  
平蕪遠塞秋驅騎  
衰柳遺宮

晚噪鴉莫道窮邊成  
久別待君歸草王堂麻

京師秋興次謝太史韻

柳外秋風起  
御河京華客子意如何  
伎同北郭知應濫  
俸比東方愧已多  
梁寺鍾來殘月落  
漢宮砧斷早鴻過  
不材幸得同趨闕  
幾度珊珊候曉珂

送祠江瀆使者

源發岷峨萬里通  
函香迢遞問齋宮  
神馳白馬靈光近  
祝奉玄牲禮秩崇  
驛下換船潮湧日  
廟前沉璧水迴風  
重煩使者徽多福  
南國無疵黍稌豐

送葉判官赴高唐時使安南還

銅柱崖前使節過，貢隨歸騎入京多。  
一官暫遣陪成瑁，片語曾煩下趙陀。  
曉拜賜衣辭絳闕，秋催征棹渡黃河。  
政餘好賦登臨咏，聞說州人竄姜歌。

衍師見訪鍾山里第

風雨孤舟寄一僧，遠煩相覓到金陵。  
青衫愧逐塵中馬，白拂看麾座上蠅。  
事去南朝猶有恨，夢歸北郭已無憑。  
文章何用虛叨祿，只合從師問上乘。

寄題安慶城樓

層構初成百戰終，憑高應喜楚氛空。  
山隨粉堞連雲

起江引清淮與海通，遠客帆檣秋水外。  
殘兵鼓角夕陽中，時清莫問英雄事。  
回首長煙滅去鴻。

送鄭都司赴大將軍行營

上公承詔出蓬萊，立馬風煙萬里開。  
賜履已分無棟遠，舞戈還見有苗來。  
牙前部曲多收績，幙下賓僚更倚才。  
後夜軍門知子到，卽星應是近三台。

送朱謝二博士進賀冬至表赴京師聽

宣諭畢還吳

驛騎雙馳捧綠章，都門逢舊喜洋洋。  
小儒方幸瞻天近，遠使初來賀日長。  
仗下丹墀晴雪盡，朝回紫陌

曉塵香承

宣歸去難留駐乞報平安到故鄉

送丕上人還四明育王寺

解夏還尋舊寺樓滿船黃葉過長溪  
袈裟影入秋山遠舍利光懸夜塔低  
鵝識講時常繞聽猿知定後不驚啼  
却慚擾擾塵中客覺路如今去尚迷

送吳生赴汴省其父指揮

都亭槐雨淨朝埃彩服逢秋試剪裁  
定遠未歸雙節在孝廉初去一船開  
城依梁苑煙中閉河繞隋堤樹裏來  
家慶拜餘尋舊跡夕陽騎馬過繁臺

客舍夜坐

樓角聲殘鎖禁城燈花半落夜寒生  
啼鴉井上驚風散殘雪窓前助月明清  
世莫嗟人寂寞中年漸怯歲崢嶸  
酒盃詩卷吾家物客裏相親倍有情

送鄭山人聽宣諭後歸東陽

閣門傳詔山人拜清曉蓬萊望彩霞  
布褐朝天繞赴闕蒲帆帶雨又還家  
沈侯詠罷樓沉月婺女粧殘廟掩花  
無限朝廷仁恤意殷勤歸向老農誇

春來

客愁擬向春來減，春到愁翻倍。舊時走馬已無年少，樂聽鶯空有故園思。日光晶晶，濃熏草風，力颺颺。緩墮絲，辟歷溝南酒家路。共誰來往，問花枝。

送賈文學以郡薦赴禮部試畢歸吳

疋馬都門候曉開，吳公新薦賈生來。郡中方待傳經業，闕下先稱射策才。寒食杏花江店雨，春衣柳絮驛程埃。慚予東掖叨陪講，難把長干送別盃。

休沐日期衍公遊北山不果獨卧齋中

休沐欣逢一日閒，擬邀禪客共登山。兩筇未許尋蘿逕，孤枕應須掩竹關。歷歷遠峰塵土外，蕭蕭深屋草

萊間安眠却勝清，遊樂覺看斜陽燕子還。

送內兄周誼還江上

憶奉 綸音趣赴朝，曾煩遠送過楓橋。雲山方恨成睽阻，雪夜俄來伴寂寥。吳苑踈鍾沉晚樹，楚江歸鴈逐寒潮。情親海內如君少，敢惜離魂爲一銷。

夜聞吳女誦經

雲窓月帳散花多，閒讀金經夜若何。嬌舌乍彈鶯學語，芳心已定井銷波。尼師曾教青蓮偈，女伴徒爲白苧歌。聽處若迷空色，相應須愁殺病維摩。

送趙史君致仕歸別業

久仕江湖白髮長今年得許乞身章  
吏收封印朝辭郡人賀懸車  
晚在鄉家篋已添新著藁  
官衫未歇舊熏香南風別墅  
初歸處應坐肩輿看種秧

遊南峰寺有支遁放鶴亭

每向人間望碧峰石門今得問  
幽踪路緣風磴冷冷策寺隔  
煙蘿杳杳鐘窓下鳥來多墜  
菓亭前鶴去只高松一龕頭  
借依香火莫道詩人非戴顓

送隣僧淡雲歸笠澤

往來海上獨離群雅稱身名是  
海雲經院葉深秋講散香臺  
鳥下午齋分坐間山偈曾同  
說別後隣鍾不

共聞笠澤到時尋舊業菱池漠漠雨紛紛

次韻楊署令雨中卧疾

雙桐分蔭晚池清乍喜新晴覺  
病輕蛛曳林風吹欲斷鷺經沙  
雨洗徧明吟多稍怯臨窓寫  
卧久渾忘出市行不道春歸  
踰一月起聞歌鳥尚疑鶯

送呂秀才入道

學禮茅君便入山黃冠初著稱  
清顏杏園不羨龍頭貴蓬島  
應思鶴背閑窓下棄檠辭婦  
去壇前受錄拜師還白雲知  
勝青雲好揮手從今謝世間

送胡簿之陽朔

幾年桂管去人稀白髮憐君獨遠遠過海定尋迴估  
舶出京纔脫舊儒衣祠羞荔子傳巫語縣閉榕陰放  
吏歸亦欲居夷嗟未得謾看鴻鵠向南飛

謁甫里祠

衣冠寂寞半塵絲想見江湖獨卧時  
遺跡虛煩明主詔感懷猶賦散人詩  
釣魚船去雲迷浦鬪鴨闌空草滿池  
芳藻一杯誰為奠鼓聲只到水神祠

送恩禪師弟子勤歸開元寺

寺有二石佛自海上浮至

山初經寒補雜繒白雲高寺遍尋  
登法身已見浮來佛宗旨曾傳  
化去僧歸過江城誰施飯定依  
舊院自

懸燈明朝應恨千峰阻欲問楞伽已不能

送何記室遊湖州

暮雨關城獨去遲少年心事劍相知  
故人當路輕貧賤倦客逢秋惡別離  
疎柳一旗江上酒亂山孤棹道中詩  
水嬉散後湖亭廢此去煩君弔牧之

江上寄丁校理昆季

望裏煙生是子家草堂應近眷令沙  
江汀每恨無舟渡野墅空憐有酒餘  
半雨暮成風外雪孤梅春動臆中花  
相思尚隔前村遠獨倚柴門數去鴉

送顧軍咨歸梁溪

新柳休攀短短條，離愁似雪未能銷。春迴廢苑還芳草，人渡空江正落潮。德曜宅前今獨去，平津門下舊相招。重來莫在花開後，擬聽狂歌醉幾朝。

白蓮寺次韻杜進士喜予見過話舊之作

不辭鳴棹遠相尋，欲向江齋伴杖吟。百事未成年已長，幾時纔別夏將深。螢留倦蝶連池綠，樹帶殘鶯滿寺陰。恐被老僧嫌滯礙，舊遊休說更傷心。

期徐七遊雲岩

憶與青山別幾時，雲松應恨鶴歸遲。少知學道貧非病，閒愛談禪偈是詩。女浣晚江煙淼淼，人行暮苑麥

離離。明朝風雨還同往，恐負高僧石上期。

賦得寒山寺送別

楓橋西望碧山微，寺對寒江獨掩扉。船裏鍾催行客起，塔中燈照遠僧歸。漁村寂寂孤煙近，官路蕭蕭衆葉稀。須記姑蘇城外泊，鳥啼時節送君違。

聞朱將軍戰歿

江浦戈船赤幟稀，孤軍落日陷重圍。鏡中蛇墮占應驗，牙上梟鳴事已非。殘卒自隨新將去，老親空見舊奴歸。聞鷄此夜誰同舞，西望秋雲淚洒衣。

送何明府之秦郵

何淮東人已  
三爲縣令

馬前風葉助離聲楚驛都荒不計程一令尚淹三縣  
事幾家曾見十年兵夕陽遠樹煙生戍秋雨殘荷水  
繞城父老不須重嘆息君來應有故鄉情

過野寺次韵徐廉使琰舊題

使節城東按部迴曾將從吏到香臺秋林數騎蕭蕭  
去晚澤孤鴻噉噉來蘿雨濕衣溪路轉栢風吹燭  
門開當年物色雖留與題壁慙無子美才

送滎陽公行邊

風卷雙旌雪覆羈遠騎白馬出行邊兵馳空壁三千  
幟客宴高堂十萬錢屏裏舊圖魚腹陣燈前新註豹

韜篇功成他日論諸將只有荀卿最少年

登涵空閣

袞袞波濤漠漠天曲闌高棟此山顛置身直在浮雲  
上縱目長過去鳥前數杵秋聲荒苑樹一帆暝色太  
湖船老僧不識興亡恨只向遊人說往年

婁江寓舍喜王七隅見過却送還郭

送君只過孝廉橋不似君來訪我遙路未同歸鴻杳  
香門方孤掩竹蕭蕭遠愁忽與鐘聲至殘醉微蕪燭  
燼銷莫道扁舟難重過寒江日日有迴潮

送葉卿還隴西公幙蕪簡周軍咨



落日關城動鼓笳遠遊伶汝尚無涯壯身謾託三公  
府歸夢難尋萬里家投驛暮山燈照葉待潮秋渡棹  
粘沙軍中記室如相問只說愁吟對菊花

范文正公祠

開閣陳書對御筵共言天子得時賢才陪上相趨廷  
內遽撫豪羌出塞邊松栢自依先隴廟稻禾猶滿義  
庄田古來直道難終合何必深嗟慶曆年

丁令威宅

令威作仙上天去舊宅留在青山阿千年宅廢但遺  
井何處更聞華表歌南陌黃塵足去客東流碧海絕

迴波鶴歸重覽應惆悵地上丘墳今又多

辭戶部後東還出都門有作

詔貳民曹出禁林陳辭因得解朝簪巨材自信元  
難稱

聖澤誰言尚未深遠水紅花秋艇去長河宮柳曉鍾  
沉還鄉何事行猶緩爲有區區戀關心

寄余左司

何處吹愁角一聲大江東岸呂蒙營天隨流水茫茫  
去月共長庚耿耿明虜意有圖秋暫息客魂無定夜  
還驚欲陪醕酒樓船坐借問風潮早晚平

聞家兄謫壽州

別來未省去何投書到方知謫壽州  
覽俗自堪傷遠客聽音誰解釋  
羈憂長淮波浪應愁渡故國江山只  
夢遊未有萬回飛往銜魂消空望楚雲秋

吳城感舊

城苑秋風蔓草深豪華都向此銷沉  
趙陀空有稱尊計劉表初無弭亂心  
半夜危樓俄縱火十年高塢漫藏金  
廢興一夢誰能問回首青山落日陰

喜幼文北歸

風塵萬里損光輝舊面相逢却訝非  
在路定留經處

詠還家猶着去時衣久留遠上虫蛇  
襟忽解高羅鴈鳴飛尚念梁園三二  
客與君同去不同歸

寄錢塘方員外

尋常此別事難同不意音書得再通  
君病尚留多難後我吟方向亂愁中  
殘煙廢郭山猶在落日空城歲欲窮  
借問西湖舊梅樹如今還剩幾多叢

秋日江館詠懷

十年世事漸多更自嘆而今豈復生  
未有佳兒書謾讀既無俗客酒頻傾  
煙生遠塢聞鷄唱潮落平沙見蟹行  
秋後思歸几幾度夕陽江上望高城

送宋君南康葬親

長揮客淚楚雲東故國江山一戰中遺樞十年嘆未  
掩歸舟千里喜纔通遠途敢避風濤惡舊隴應知草  
樹空料得南岡廬宿處夜深猿鳥泣西風

送王孝廉遊京回錢塘

客遊南北再逢春幾驛煙花一騎塵觀國舊逢朝  
闕使還家今作渡江人雪迎酒氣消應早抑逐歌聲  
發更新此日腰間垂赤組不須猶愧故鄉親

感懷次蔡參軍韻

擊筑無人識漸離客依孤館獨凄其著書未解成新

語把酒聊因覓舊知燕塞風多寒水急梁園雪早凍  
雲凝年來只念江東去下馬碑陰看色絲

得亡友周記室在繫所詩次韻

擬出置羅再卜鄰死生俄判兩吟身百年豈料逢今  
日四海何由見此人吳地有園花已盡楚山無塚草  
空新一篇幽憤時時讀風雨寒燈夜獨親

答呂山人見寄

一罷僧房看竹期行吟何處復相隨煙波遠渚難尋  
路風雨幽窓忽送詩故舊誰非嗟別者鄉園同是憶  
歸時莫愁孤館春寥落且向江干避亂離

送殷孝章赴咸陽教諭

獨抱遺經出董帷，秋風送騎入關遲。  
用儒幸際千年會，造士欣爲一縣師。  
鴻鴈雲低秦壘角，牛羊草沒漢陵碑。  
宦遊兼得觀形勝，莫向尊前嘆別離。

送僧齋載赴天界

水郭春寒壓柳絲，扁舟遙送道林支。  
日邊金界曾遊地，雪後滄江欲渡時。  
座近香爐朝聽法，窓傳鉢韻夜談詩。  
龍河舊日棲禪侶，想拂雲床正待師。

寄永寧丁期府兼簡先生永寧屬洛陽丁近  
布平盜浚渠之功，達君前進士寓其邑。

政成百里自材優，莫厭青袍映白頭。  
盜散山棚城少閉，渠通田澮水多流。  
陸渾莊上鷄鳴午，緱嶺祠前鶴去秋。  
沽酒更須煩縣令，洛中時伴玉川遊。

江上晚眺圖

一髮青山斷鴈邊，渚宮樓閣暮雲連。  
煙波彷彿江南意，風柳依稀峽外天。  
釣艇歸時風動葦，僧鍾起處日沉煙。  
觀圖忽起滄洲想，身墮黃塵又幾年。

江上春日遣懷

江上逢春已兩回，客中皆序苦相催。  
蛛營戶網垂初出，雀借蒼巢燕未來。  
年少即閑真信拙，詩成雖好可

言才如今欲向南隣叟旋乞垂楊繞舍栽

別江上故居

家具初移借釣船臨行魚鳥亦悽然城南徙舍惟三里渚北開居已二年花墅回看香水外草堂留掩夕陽邊多慚父老相留意來去聊隨大化遷

高太史大全集卷之十五

吳郡高啓季迪著

南州徐庸用理編

七言律詩

送人出鎮

家出山西負勇名擁旌方見去專城風生曉帳旌旗動月落寒譙鼓角清麟閣封侯初受任鴈門擒虜舊功成如今四海無征戰雅咏投壺樂太平

送周省郎之海虞判官

黃茅連野邑城荒佐邑初煩舊省郎鴈起海風吹暮

角鷄鳴閨月照晨粧讀書臺下逢人少濡墨廳中憶  
尉狂君到官曹無事日一尊爲我酌斜陽

次張子宜園居二首

見山岡下行蒙籠亂後池塘野水通身影步隨花影  
日鬢絲吹傍釣絲風已知處世愁無益更覺全生醉  
有功誰道閑官貧去甚春來未與舊焦桐

又

早回高步謝天衢應總閑園景趣殊養鶴塔除長  
得伴種魚池沼不輸租官曹自古皆詩客家世當年  
本釣徒苦欲相尋阻泥潦滿林烟雨聽啼鳴

遷城南新居

辛苦中年未有廬東西長寄一囊書未能避俗還依  
俗堪信移居更索居葉滿鄰園烟暮景竹連僧舍雨  
踈踈何須許伯身安第此屋脩然已有餘

贈醫師王立方

醫得河間第五傳尋師曾上海門船龍方試後應多  
驗鶴骨癯未已欲仙渡澗斲苓朝帶雪隔林蒸木午  
生烟詩人亦有相如渴願乞丹砂舊井泉

吳縣庠訓導徐君善醫常起人疾求詩贈之  
解榻高齋晝日遲坐談周孔雜軒岐仙人方在應藏

枕博士經橫每下帷池上採芹風起處階前晒藥雨  
收時病瘥不使人栽杏只要新題滿卷詩

挽瞿隱君

壯志蹉跎爲亂離蒼天不肯見清時樓前鶴去飛雲  
遠墓上人來宿草哀親老還揮思子淚弟愁長咏哭  
兄詩兩年頻送交遊死不似夫君寂可悲

次韵灵隱復見心長老見寄兼簡勸禪師

高堂鍾鼓毒龍驚曾布袈裟海上城廬岳禪師傳法  
印道園學士許詩名幾趨北闕瞻天近獨坐南屏  
對月明書到喜聞雙徑老兩華新散滿瑶京

稚齋爲陳山人賦

華屋雖存忍獨居愁瞻松柏倚踟躕夕陽下馬高人  
墓夜雨烏啼孝子廬地掩衣冠魂去後家留圖籍手  
編餘元方應有無窮意陌上何年重駕車

追次唐人韵

任俠平生慕灌夫每思鳴劍起伊吾歌調錦瑟初移  
柱笑擲金盤已作盧買妾競誇燕地女求官不事堯  
家奴灞陵獵騎歸衝雪笑殺詩人撚凍鬚

喜聞王帥下蜀

蜀國兵銷太白紙將軍新拜漢征西浮橋已毀通江

鷓進鼓初鳴突水犀不假五丁開道遠俄看萬甲積  
山齊從今險阻無人恃夷貢南來盡五溪

逢倪徵士

數千里外久相違十八灘頭偶獨歸自說病來辭幙  
府只因愁絕念庭闈吳歌重把還鄉酒蠻布猶穿過  
嶺衣話盡三年遊歷事滿庭風雨送斜暉

贈林泉民張夢辰次張貞居史韵

兩船幾度載狂客詩卷平生隨老翁林下自成麋鹿  
友世間相去馬牛風曉窓炊熟露葵紫秋寺寫殘霜  
葉紅他日誰脩耆舊傳著君應在隱淪中

倚樓二首

西館樓前見鴈行桂花初白柳枝黃凭欄有客迎秋  
思捲箔誰家出晚粧未放離魂尋楚雨已看歸鬢點  
吳霜自憐對酒還惆悵不及分司御史狂

又

漠漠踈烟丹樹開火經城苑咸樓臺雨初過處千山  
出人正愁時一鴈來秋色自隨砧杵動夕陽又被鼓  
鍾催詩成未盡登臨意獨向蒼茫首重回

闔閭墓

水銀爲海接黃泉一穴曾勞萬卒穿謾說深機防盜



賊難令朽骨化神仙  
空山帟去秋風後  
廢榭烏啼夜  
月邊地下應知無敵國  
何須深築劍三千

西塢

空山啄木聲敲鏗  
花落水流縱復橫  
松風吹壁鶴翎墮  
梅雨過溪魚子生  
尚有人家機杼遠  
更無塵土衣裳輕  
斜陽已沒月未出  
樵子歸時吾獨行

過海雲院贈及長老

衲擁寒雲老一丘  
遊方無夢轉悠悠  
茶香吹過前林晚  
菜葉流來別澗秋  
舊拂講餘懸壁上  
殘經定後落牀頭  
紫藤塢裏歸逢雪  
煨羊曾煩慰客愁

送錢塘守

繁華莫歎異昇平  
到郡初煩露冕行  
幙下吏書催署字  
湖中妓舫歇歌聲  
潮來兩渡皆侵岫  
日落諸山半入城  
休沐南屏煩一到  
松間尋我舊題名

張山人見訪留宿草堂

夕陽欲沒靜沙墟  
喜子能來慰索居  
生事蕭條慚客裏  
交情契闊歎兵餘  
買魚急喚臨江艇  
炊黍深開暝竹厨  
屈指故人能幾在  
真辭同醉卧田廬

陪臨川公遊天池

騎馬尋幽度嶺遲  
老僧不識使君誰  
門開紅葉林間

寺泉浸青山石上池殘果已收猿食少枯松欲折鶴  
巢危壁間不用題名字無限蒼苔沒舊碑

客舍歲暮

空江寒雨送淒涼離舍無多即異鄉井田尚勤慙德  
曜音書未至憶平陽心輕別歲憑年少夢喜還家及  
夜長自笑病來詞賦拙懶從投叟客遊梁

江上晚眺懷王著作

渡頭西望足離情晚水寒山雪後清鷗立斷水流漸  
遠鴉隨殘照去還明漁人笛過風生浦估客帆迴樹  
隔城范蠡祠前春意動思君欲放酒船行

吞徐七記室病中作

空齋孤枕積書間清瘦伶君變舊顏累少亦憂今日  
亂病多應賴此身閑朝辭隣交看花去晚候家僮買  
藥還知是苦吟猶未廢水邊深樹掩柴關

遊雲岩值雨

深殿幽廊暎竹開鳥聲忽斷雨聲催蘚生偏上題詩  
壁花落還臨說法臺林下聞鐘諸客散磴邊汲水一  
僧來晚晴更好看山色西閣憑闌獨未迴

送張徵君南遊

故人多去不堪留况復看君更遠遊流落正逢搖落

景亂離還值別離愁夕陽亭上匆匆酒寒雨江邊渺  
渺舟此後衡門應獨掩詩篇寂寞有誰酬

宿張氏江館

極浦荒雲一棹行遠投江館駐宵程客中得酒銜悲  
喜亂後逢人說死生木葉未空寒鳥聚海潮欲上曙  
鷄鳴政憐此地無驚擾歸夢如何又入城

再遊南峯

放鶴亭前落葉重吟身獨上夕陽峯遠村近浦分諸  
樹後嶺前山應一鍾高閣倚殘歸鳥過空林行盡老  
僧逢支公駿馬嗟何處石上莓苔沒舊踪

送李使君鎮海昌州有雙廟

海風千里捲雙旌按轡初聞屬部清人雜島夷爭午  
隨潮隨山雨入秋城鳴孤不近睢陽廟突騎猶屯廣  
利營肯掃帳中容我醉夜深燃燭卧談兵

賦得惠山泉送客遊越

雲液流甘漱石牙潤通錫麓樹增華汲來曉冷和山  
雨飲處春香帶澗花金契老僧煩每護脩經幽客記  
曾誇送行一斛還堪贈往試雲門日注茶

寄題張著作善山隱居

霞映青山似赤城歸棲聞已謝時名半湖殘雨收虹

影幾樹斜陽帶鳥聲竹下逢僧投杖揖蘿間候客抱  
琴行平生應笑王夷甫末路方言少宦情

送胡孝廉布東遊

春色偏傷楚客心日斜芳草鷓鴣吟山遮故國千重  
影雲度長江一片陰少婦自挑燈下錦諸侯誰贈橐  
中金送行只恨華觴淺不似同袍別意深

夜雨不寐

雨窓燭盡漏迢迢秋滿床情酒易消蟋蟀催寒輸絡  
緯梧桐關雨勝芭蕉漸知老去非前日豈信愁來是  
此宵莫聽曉鍾聊穩睡久居閑退罷趨朝

煮雪齋爲貢文學賦禁言茶

自掃瓊瑤試曉烹石爐松火兩同清旋渦尚作飛花  
舞沸響還疑酒竹鳴不信秦山經歲積俄驚蜀浪向  
春生一甌細啜真天味却笑中冷妄得名

香晚軒

不畏風霜向晚欺獨開衆卉已凋時地荒老圃苔三  
徑節過重陽雨一籬秋色蒼茫人醉少寒香落漠蝶  
先知山翁獨念同哀晚坐對幽軒每賦詩

次韵倪雲林見寄

老來詩陣尚堂堂過宿曾留讓大床病驥可堪迷遠

道孤松只合在高岡蕭蕭塵髮驚寒色渺渺雲山飲  
夕光莫道欲歸無好處便尋勾漏與華陽

再用韵

草滿當年食客堂一身投老寄僧床秋風吟怨哀蘭  
浦暮雨行愁苦竹岡任廣豈能諸薄俗養和且爲駐  
顏光酒錢十萬今誰送獨嗅黃花對夕陽

答韓長司同韵見贈并東滕用衡

昔年載橐侍明堂每見論邊近御床入幕乍參  
飛騎將還家新卜卧龍岡秦山暮隔闕雲遠吳樹秋  
涵海日光共語東西宦遊事里中今喜有南陽

答張文伯用韵見贈

早年說法已升堂夜雨長連聽雨床珥筆便堪趨禁  
省振衣何必上重岡半簾藥氣踈烟退滿屋書聲落  
月光愧我飄零荒舊學酒徒相逐醉高陽

喜逢賀叔庸送還錢塘

暫來還去獨翩翩賀監清狂已欲遷三日小樓延解  
榻幾人還浦送回船鴈呼舊侶投雲外梅試初花在  
雪前歸去西湖柳邊宅定娛鶴髮慶新年

子祖授生

他日愚賢未可知眼前聊復慰衰遲人間豚犬應誰

子天上麒麟豈我兒  
夢兆先占神媪送啼聲  
還得使君奇樂天  
從此休長嘆  
已有人傳拍圓詩

喜張太常謁告歸途見訪雨中留宿話舊

長嗟遠別望京城  
忽喜相逢駐驛程  
問舍求田慙我鄙  
還家上冢羨君榮  
寒廳聯句圍爐坐  
晚陌趨朝並轡行  
舊事重談真若夢  
江湖夜雨一明燈

御溝

春含禁柳綠相和  
縈貫天津若絳河  
派出宮牆流葉斷  
源通靈沼躍魚多  
曲迂月下龍舟轉  
清照雲間雉扇過  
行客何須問深淺  
長流不盡似

恩波

雲岩訪蟾公值雨留宿次周記室壁間韵

日暮松間兩屐過  
懶殘不出近如何  
鍾聞下界歸人少  
燈照空林落葉多  
別後有恩還是妄  
定中無想不成魔  
山靈盡意相留客  
暗雨斜風滿薜蘿

送伊兵曹赴邊

少年耻着惠文冠  
幙下時時把劍看  
官燭未銷鷄送曉  
軍笳忽動馬嘶寒  
關連雲樹征途迥  
塞接霜蕪戰地寬  
見說長平門下客  
奇材唯有一任安

吳下聞梁賓客子  
天爵復送還會稽

識君京國暫相從，別去堪憐此再逢。共祀一盃官市酒，初聞半夜客船鍾。吳洲鴈落潮痕淺，越嶠猿啼樹影重。曾作尊翁舊僚屬，臨分離恨倍人濃。

次韵俞士平見寄

一棹滄浪兩鬢絲，稼章老客苦相思。作歌幾日空招隱，載酒何人爲問奇。吳苑舊遊山色在，楚江歸夢月明知。莫言別後音塵絕，長倚東樓憶紫芝。

登天界寺鍾樓望京邑

朝罷登樓賞晚晴，三山二水總分明。人間地湧黃金界，天上雲開白玉城。宮樹遠連江樹色，寺鍾微答禁

鐘聲憑高空，此觀形勝深。愧無才賦

帝京

十二月十九日雪中

舟絕寒江凍不潮，縈沙拂柳影悠悠。繚繞從漁浦磯邊積，還向樵村竹外飄。撲馬憶從年少樂，點袍曾逐侍臣朝。如今獨坐吟詩句，茅屋茶烟冷未消。

過僧舍訪呂敏

癸欵相尋與願違，今朝始得過禪扉。磬聲穿竹山房遠，屐齒粘苔石徑微。幽鳥每同馴鴿下，高人閑與老僧依。談詩說偈俱堪喜，坐覺茶香上薜衣。

新篁

南池雨後見新篁  
裊裊烟梢漸出墻  
風度亂翻交響  
露垂微挹粉痕香  
簾前嫩色初含  
暝琴畔踈陰已  
送涼野飯休燒  
林下笋留添碧玉  
嫩竿長

初夏江村

輕衣軟履步江沙  
樹暗前村定幾家  
水滿乳鳧翻藕  
葉風踈飛燕拂桐花  
渡頭正見橫漁艇  
林外時聞響  
緯車最是黃梅時  
節近雨餘歸路有鳴蛙

江村

南園薰風吹葛衣  
汀花未露岫花稀  
水神廟下莎侵

路江叟門前柳映磯  
犢卧已知耕耒歇  
鷗鷺長見釣  
船歸天隨宅畔吾曾住  
留得閑罾掛夕暉

田園書事

西園春去綠陰成  
已覺南窓枕簟清  
簾捲斜陽歸燕  
入池生芳草亂蛙鳴  
葉過穀雨花猶在  
衣近梅天潤  
易生獨坐正知閑  
畫永吟餘消盡篆烟輕

梅雨

江南烟雨苦冥濛  
梅實黃時正滿空  
洒竹暗連湘女  
廟隨雲遠渡楚王宮  
窓寒頓使拋紈扇  
衣濕頻催換  
火籠幾度欲晴還  
復暝簾前不放夕陽紅



送衍師還相川

江樹湖波繞相川南風巾錫去翩翩村中乞米晨留鉢城外聞鐘夜油船昔向名林曾說法今歸舊院定安禪道心深悟俱浮幻不柰詩名滿世傳

萱草

幽華獨殿衆芳紅臨砌亭亭發幾叢亂葉離披經宿雨纖莖窈窕擢薰風佳人作佩頻朝採倦蝶尋香幾處通最愛看來憂盡解不須更釀酒多功

雨過舟中看山

風雨山前暗荔蘿滿蓬涼思入滄波沙鳴正厭秋聲

急峰出還伶景趣多溪上雲收開遠樹田中水滿發新禾舟人不用催歸速卧看青峦次第過

齊雲樓

境臨烟樹萬家迤勢壓樓臺衆寺低斗柄正垂高棟北山形都聚曲欄西半空曾落佳人唱千載猶傳醉守題劫火重經化平地野鳥飛上女垣啼

靈岩寺

開上香臺望下方漁村樵塢盡蒼蒼傾城人遠苔生逕歸寺僧稀葉滿廊雲散池邊留塔影雨來閣外失湖光廢興皆幻何須問獨自吟詩送夕陽

孤園寺

欲問南朝常侍宅已爲西域化人宮山僧歸帶漁舟  
兩湖鳥來聞粥鼓風插袖垂簷秋殿暗波濤驚座夜  
堂空給孤長者誰曾見應在烟雲杳靄中

開元寺石鉢

寶石當年琢帝青浮波不異木杯輕傳靈已歷乾陀  
國乞食曾來舍衛城漁父得時初洗獻法王在日每  
擊行寺僧見客休頻出恐有藏龍此內驚

垂虹橋

行人脚底響波濤驅石神鞭是孰操影落蛟龍朝窟

暗形垂蟬竦暮天高烟中去憶鷓夷遠月下吟誇長  
史豪幾度憑欄賞秋色鱸魚新買繫歸舸

問潮州遷客消息

瀧吏相迎渡惡灘到時應是幾旬間猿啼嶺下梅花  
白鰐去祠前荔子斑名姓未看兵籍落音書忽附估  
船還莫言久作炎荒客會逐陽和返故山

秋日江居寫懷七首

每看搖落即成悲况在漂零與別離爲客偶當鱸美  
處思兄正值鴈來時天邊暝爲秋陰早江上寒因歲  
閨遲莫把丰姿比楊柳愁多蕭颯恐先衰

又

葭莢連秋渺渺長  
歸舟猶歎滯江鄉  
客衣欲冷隣機急  
農事初成野飯香  
千里斷雲隨鴈鷺  
半村殘照送牛羊  
有愁不解登高賦  
空使頻回宋玉腸

又

舌在休誇術未窮  
且將蹤跡託漁翁  
芙蓉澤國淤漫雨  
禾黍田禾掩冉風  
身計未成先業廢  
心懷欲說舊交空  
楚雲吳樹無窮恨  
都在蕭條隱几中

又

風塵零落舊衣冠  
獨客江邊自少歡  
門巷有人催稅

到隣家無處借書看  
野蟲催響天將夕  
籬豆垂花雨稍寒  
終卧此鄉應不憾  
只憂飄泊尚難安

又

乘芋翁家次近  
居人烟沙竹自成墟  
移門欲就山當榻  
補屋唯防雨濕書  
貧爲湖田長半沒  
拙因世事本多踈  
當時亦有求名意  
自喜年來漸已除

又

喪亂將家幸得全  
客中長耻受人憐  
妻能守道同王霸  
婢不知詩異鄭玄  
借得種蔬傍舍地  
分來灌菊別池泉  
却欣遠跡無相問  
一棹秋風笠澤邊

又

秋塘門掩竹穿沙為客隣  
酤未易除閑裏杜年慙白  
日愁中佳節負黃花  
漁村靄靄綠江暗農  
逕蕭蕭入圃斜  
薄俗相輕吾敢怒  
魯人猶自笑東家

漫成二首

柴門藥浦小江邊  
早得閑居是偶然  
兩岸晚風黃鳥樹  
一陂春水白鷗天  
悠悠往事空書卷  
碌碌浮生只釣船  
猶記京華為客日  
幾回聽雨憶歸田

又

已分棲遲不自疑  
江邊林下儘幽期  
病惟好懶寧須

藥心未忘機偶對棊  
閑館雨聲花落夜  
深塘草色燕飛時  
春來頗喜囊中富  
添得新成幾首詩

喜徐山人與浩師見過

遠煩支許問棲遲  
正是山家摘熟時  
為吏得閑非是隱  
學禪有解只能詩  
潮聲驚客江三里  
秋色留人菊一枝  
莫恠相逢意偏喜  
碧雲紅樹久相思

端陽寫懷

去歲端陽直禁闈  
新題帖子進彤扉  
太官供饌分蒲酌  
中使傳宣賜葛衣  
黃繖回廊朝旭淡  
玉爐當殿午薰微  
今朝寐寔江邊卧  
閑看遊船競渡歸

寄倪隱君元鎮

名落人間四十年，綠簑細雨自江天。  
寒池蕉雪詩人畫，午榻茶烟病叟禪。  
四面荒山高閣外，兩株踈柳舊  
庄前。相思不及鷗飛去，空恨風波滯酒船。

與杜進士寅登白蓮閣對雨

遠愁高樹共離離，風送潮聲上浦遲。  
海客市中烟起處，江僧閣外雨來時。  
船歸香靄唯聞櫂，店隱蒼茫不見旗。  
回首南朝今幾寺，可堪重詠牧之詩。

喜宋山人見過

携琴遠趣渡江船，煩覓幽踪浦樹邊。  
別久忽看梅又

發話長應讓鴈先，眠一冬多暖天。  
無雪半夜初寒月，有烟回首舊遊君。  
莫念歸來好共種吳田。

與姪常遊東庵

水樹圍庵綠幾層，陰中敲戶晝登登。  
十年重到猶爲客，半日纔閑且訪僧。  
舊履塵生趺後席，亂幡風颭供餘燈。  
高齋對作忘言坐，此事堪怜汝亦能。

謝周四秀才送酒

不忍醒愁只欲眠，幾日花發自江邊。  
欲沽百錢未易得，忽送一壺真可憐。  
梳頭好鳥語，窓下洗盞流水到門前。  
今朝得醉已無恨，不使春光空一年。

上已有懷

春寒渾未減，征衣愁對佳辰坐。掩扉江上，琴書留滯，久水邊車馬。拔除稀間，園細雨，梅花落，廢花平蕪。燕子飛，欲覓涼亭會中友。幾人遷謫，未能歸。

徐記室賁地婦見訪南渚復送還城

初辭楚澤到吳村，訪舊嗟君古道存。欲治忘忘歸後，計難留款款坐中論。雲遲似讓梅先白，月早如愁樹已昏。此別終非前別遠，孤舟江上莫銷魂。

召將京師留別親友

長送遊人作遠行，今朝還自別卿城北。山恐起移文。

誚東觀慙叨論議名，踏去幾程天欲近。春來十日水初生，只愁使者頻催發，不盡江頭話別情。

過故將第

甲第如雲紫陌東，當年得意負邊功。美人笑客登樓上，假子將兵衛閣中。深計謾誇三窟固，遊魂難返九原空。門前車馬今誰到，零落槐花向晚風。

雨中寄劉沈二別駕

漠漠春寒水繞城，誰家可作看蒼行。一杯不得三人共，二月都能幾日晴。夢逐鶯聲風外斷，愁兼草色雨中生。畫船載妓南湖上，不似年時放浪情。

丁校書見招晚酌

正坐羈愁不自聊，遠煩舟楫暮相邀。  
江懸落日猶三尺，風折垂楊定幾條。  
流水入蒼村杳杳，幽人對酒屋脩脩。  
此鄉不得君同客，應是春來更寂寥。

杜二年四十鬢已多白戲作是詩

覽鏡憐君感歎深，年來領下忽霜侵。  
未衰自計方強仕，早白應緣只苦吟。  
雖失家中嬌婢喜，還招座上遠朋欽。  
到頭此物須當見，好染虛消買藥金。

愛姬祠

錦雲陣陣落紅衣，波冷雙蓮慘夕暉。  
故國草侵金輦

跡荒祠塵掩畫羅幃，共哀艷質軍前歿。  
誰見香魂月下歸，惆悵無人來酌酒。  
綠楊惟有暮鴉飛。

雲山樓閣圖爲朱守愚賦

白雲窈窕楚天陰，半露樓臺出遠林。  
簾幙捲時秋雨歇，鼓鐘鳴處夕陽沉。  
鶴從遼海天邊下，猿隔巴山樹裏吟。  
爲問仙家在何處，欲穿謝屐一登臨。

夏夜

銀河欲轉漏聲稀，坐詠閑齋夜掩扉。  
鵲影頻翻窓竹起，螢光每拂迳莎飛。  
風生漸抖齋紈扇，露下猶沾楚葛衣。  
自據胡床相待月，爲憐池上夜涼微。

池亭書卧

曲闌虛幔映滄浪長日宜眠雙蝶床波影細搖侵葦  
影荷香遠透襟爐香不知道路方愁暑只愛池亭可  
納涼何處鳴蟬驚睡起高槐陰外未斜陽

姑蘇懷古

麋鹿來過客過稀消沉伯業在斜暉遊帆自向湖邊  
落鳴榔誰聞月下歸烏喙計成楫柵至蛾眉舞罷綺  
羅非如今始悟牽衣諫荆棘遺宮淚滿衣

宿山寺

蓮宮借榻喜涼生疑到天台近赤城風度回廊秋欲

動河窺高閣曙初明泉聲正與松聲合僧夢頻同鶴  
夢驚最喜此宵無熱惱莫教月落又鍾鳴

泛舟西湖觀荷

雨晴南浦錦雲稠晚待湖平蕩棹遊狂客興多推載  
酒小娃歌遠不驚鷗半湖月色偏宜夜十里荷香已  
欲秋為愛前沙好涼景滿身風露未回舟

馬璘畫

燕睡簾前夜未深羅衣應怯嫩寒侵風傳漏板還堪  
數月泥梨花不易尋翠館紅樓猶裊裊華燈綉闥正  
沉沉畫中一片春宵景寫出閨人悵望心



晚涼

驕陽未出晚涼生  
滿櫺春風細髮輕  
荷上露華翻曲沼  
樹頭河影落高城  
自舒清簟臨牕坐  
又聽疎鐘隔寺鳴  
却喜閑身無事後  
不須早逐市人行

蘆花蕪

菱葦織出緯蕭機  
未許蝦鬚獨銜奇  
寒雪照庭晴不捲  
白雲當戶晝長垂  
恍疑柳絮風穿早  
不管梨花月到遲  
自是楚江秋一片  
移來不使白鷗知

雨中

二月水長折磯頭  
茅屋恐隨江夜流  
雨聲鳴瀨稍欲

歇雲氣出峽未能收  
鷓鴣鴻鴈晚爭喜  
揚柳杏花春自愁  
幾日隣家斷來往  
出門應恨無扁舟

王徵士東里草堂

久客因爲東里人  
年來移竹有僧隣  
時名頗惠緣詩得  
野性惟知向酒新  
林下煙生門掩夕  
園中雪罷鳥鳴春  
相期歲晚爲同社  
備屋詩呼定不嗔

客舍寒食次周著作見寄韵

寒食江頭客未還  
獨臨流水見愁顏  
故園芳草斜陽外  
空館疎華細雨間  
亂世求田雖自笑  
少年當路竟誰攀  
主人莫折門前柳  
多病無書倦入關

新春次余左司韵

雪晴稍稍見  
蒼枝書閣朝  
眠日影移  
酒到好懷傾  
輒盡詩逢高韵  
和應逢今朝  
閑豈尋春得  
前夜愁因送  
客知走馬南園  
芳草綠憑君  
莫問少年時

次韵楊禮曹秋日見贈

殘雨偷偷映彩虹  
怜君獨詠楚臺風  
遠江帆影秋蕪外  
故花砧聲晚樹中  
壯歲漸如辞慢燕  
閑身猶作蠹書虫  
雅音自古無能好  
莫向人誇瑟最工

次韵西園公咏梅二首

如何天與出塵姿  
不得芳名入楚辞  
春後春前曾獨

探江南江北每相思  
微雲淡月迷千樹  
流水空山見一枝  
擬折贈君供寐寔  
東風無那欲殘時

又

雪中無伴只孤芳  
倚竹元非翠袖粧  
馬上忽逢臨水驛  
鶴邊忽見向山房  
春愁寐寔天應老  
夜色朦朧月亦香  
此地一尊聊自戀  
揚州回首已淒涼

過吳淞江風雨不可渡  
晚覓漁舟抵松陵官

館

風雨方知客路難  
飛鴻相逐渡江湍  
港收漁市舟歸晚  
門掩官廳燭對寒  
此地昔年曾遠宿  
何人今夕共

清歡枕邊不爲江聲急夢寐憂時未得安

次韵酬張院長見貽太湖中秋翫月之作

洞簫聞處似黃州月色惟過一半秋兔闕何年丹桂  
種龍宮今夜白蓮浮露沾席上縱橫醉天落舟前浩  
蕩遊若上洞庭看玉鏡兩山應是勝三洲

暫宿行營舟中

蕪陵霜露冷侵船落鴈驚鳥捻未眠戍卒獨明高柵  
火居人同宿廢村烟醉中遠夢欺長夜亂裏窮愁折  
壯年莫問身閑何到此久思提劍學防邊

又

角聲未起大星低夜靜寒營獨馬嘶樹葉蕭蕭霜後  
堞河流汨汨露中堤一軍睡枕誰能穩數里歸舟自  
欲迷起望此時憂更切邊烽不隔遠峰西

首春感懷

初春風日自妍華客意登臨只感嗟陌上驚塵隨去  
馬城邊遺柳斷棲鴉亂來未覓無兵地愁在空思有  
酒家咫尺苑西誰解問早梅還發去年花

次韵揚禮曹雨中卧疾二首

堦前曝藥雨來收寒似人情戀故裘杜歲間閑元属  
命荒城蕭索不因秋憶君我最相怜病問客誰能獨

免愁清坐自能消鬱結古方休向篋中求

又

門前問疾幾人車曲巷深深樹影斜每愛積書緣有  
子不愁聽雨爲無茶亂來官俸猶支粟睡起僧書忽  
寄茶何事一春頻謁告只應來辨酒中蛇

次韵王孝廉過澄照寺

汝向山中住十日題詩幾度見經過彈琴只向寺前  
石放棹每遊湖上波空林雨過席跡大古屋雲生龍  
氣多山僧好客未容去落日更聽樵牧歌

次韵王七仙輿

不從道士覓鸞群薰沐清朝謁老君龍氣雙騰含景  
劍蠹魚三食內篇文山石髓清如鉄海上琪苓白  
似雲知子從來有仙骨吹笙擬共接飛裙

岳王墓

大樹無枝向北風千年遺恨泣英雄班師詔已來三  
殿歟虜書猶說兩宮每憶上方誰請劍空嗟高廟自  
藏弓棲鴉嶺上今回首不見諸陵白露中

早春寄王行

江水江荅只自春不知容易解愁人山川寂寞衣冠  
淚今古銷沉簡冊塵草草逢人空識面匆匆爲客莫

容身十年憂患誰相慰賴得君家是近隣

次韵僧懷德見貽

風雨蕪愁過盡春愧煩問訊社中人  
床頭毡與青山舊門外車隨白日新  
說法空林三竺士誦詩清夜五  
臺賓相思雖覺鍾聲近猶隔城東十丈塵

寄海昌李使君

海上波濤夜不驚使君雖老尚能兵  
荒烟白鹵家家竈落日黃岡處處營  
人雜島夷爭小市潮隨山雨入孤城  
明朝破石山頭路我欲停車聽頌聲

次韵金文學送第往海上

小陸賢如大陸賢亂離為客最堪憐  
橫金海上知虛席打鼓津頭看發船  
菱氣曉晴田雉鬪懷香春暖野鶯眠  
明朝夢斷生芳草風雨孤舟過練川

過海昌贈使君李蕪鎮禦

海上觀書逐使車將軍雙廟有遺墟  
已看田父迎苗鬼未遣溪人射鷓魚  
日出塩生沙地白潮來波動縣城虛  
故人相識登樓意不是懷歸畏簡書

送黃僧母入道

江夏千年有故家至今喬木哺慈鴉  
里聞賢子初名憲世說仙姑舊姓麻  
壽酒淋漓傾墮露舞衣零亂拂

飛霞不須三釜稱榮食自有金盤棗似瓜

五更十答薊丘聶才子

聞道詩狂復酒狂少年鞍馬聞輕粧  
百金已醉名姬館一劍還登俠士堂  
烏起花啼吳苑月鴈來秋帶門霜  
亂餘零落無人識相逢向路傍

廉上人水竹居

水西分土一架紫柱杖竹滿家  
掃石安禪無落葉過溪送客有浮槎  
龍吟夜應潮生海鳥過寒鷺月  
在沙林下本米參玉板不須更煮趙州茶

梅花九首

瓊安只合在瑤臺誰向江南處處栽  
雪滿山中高士卧月明林下美人來  
寒依疎影蕭蕭竹春掩殘香漠漠  
漠蒼自去何郎無好東風愁癖幾回開

又

縞袂相逢半是仙平生水竹有深緣  
捋疎尚密微經雨似暗還明遠在烟  
薄暝山家松樹下嫩寒江店杏花前  
素人若解當時種不引漁郎入洞天

又

翠羽驚飛別樹頭冷香狼籍倩誰收  
騎驢客醉風吹帽放鶴人歸雪滿舟  
淡月微雲皆似夢空山流水獨

成愁幾看孤影低徊處只道花神夜出遊

又

淡淡霜華濕粉痕誰施綃帳護香溫詩隨十里尋春  
路愁在三更掛月村飛去只憂雲作伴銷來青信玉  
爲覓一尊欲放羅浮客落葉空山正掩門

又

雲露爲屏雪作宮塵埃無路可能通春風未動枝先  
覺夜月初來樹欲空翠袖佳人依竹下白衣宰相住  
山中寂寥此地君休怨回首名園盡棘叢

又

夢斷揚州閣掩塵幽期猶自屬詩人立殘孤影長  
夜看到餘芳不是春雲暖空山栽玉徧月寒深浦泣  
珠頻掀蓬圖裏當時見錯愛橫斜却未真

又

獨開無那只依依肯爲愁多減玉輝簾外鍾來初月  
上燈前角斷忽霜飛行人水驛春全早啼鳥山牆晚  
半稀愧我素衣今已化相逢遠自洛陽歸

又

寂愛寒多寂得陽仙遊長在白雲鄉春愁落寞天應  
老夜色朦朧月亦香楚客不吟江路寐吳王已醉苑

臺荒枝頭誰見花驚處嫋嫋微風款款霜

又

斷魂只有月明知無限春愁在一枝不共人言唯獨  
笑忽疑君到正相思歌殘別院燒燈夜在羅深宮覽  
鏡時舊夢已隨流水速山窓聊復伴題詩

歸吳

至楓橋

舊有橋今廢

遙看城角尚疑非不見青山舊塔微官秩加身應謬  
得卿音到耳是真歸夕陽寺掩啼鳥在秋水橋空乳  
鴨飛寄語里間休復羨錦衣今已作荷衣

送徐山人還蜀山兼寄張靜居

我因解綬遠辭京君為脩琴暫入城偶爾相逢春  
酒熟飄然忽去暮烟生山頭學嘯猶聞響世上留詩  
不寫名西礪煩詢張靜者年來註易幾文成

丫髻峰

雙縮雲鬟作髻髻小姑當日嫁誰家雲滋細草頭梳  
髮風動奇芳鬢挿花鸞鏡夜憑松掛月鳳釵春侍  
生芽竹人莫起陽臺念雲雨無情路更賒

石牛

一拳怪石老山巔頭角崢嶸幾百年毛長紫苔春夜  
雨身藏青草夕陽天中宵望月何曾喘盡日看雲自



在眠櫪殺牧童呼不起數聲長笛思悠然

飲陳山人園次能翁韻

桃花梨花已狼籍躑躅花開如火炎時過上巳和而  
暢人比杜陵清且庶園中雨流水遶砌林下鳥鳴風  
滿簾把酒亦知君意好醉多謬語莫相嫌

寄題內弟周思敬野人居

野人何處是幽棲聞在天隨舊宅西平屋圖書春落  
蠹一村花柳晝鳴鷄分泉自給烹茶水待雨惟耕種  
藥畦日暮扁舟欲相訪恐驚鷗鳥過前溪

吊伍子胥

地老天荒伯業空曾於青史見遺功鞭屍楚莫生前  
孝扶自吳門死後忠魂壓怒濤翻白浪劍埋冤血起  
腥風我來無限傷心事盡在越山烟雨

吊七姬冢

疊玉連珠棄草根仙遊應逐馬冤魂孤墳掩夜香初  
冷幾帳留春被尚溫佳麗總傷身薄命艱危未負主  
多恩爭妍無復呈歌舞寂寂蒼苔鎖院門

郡治上梁

郡治新還舊觀雄文梁高舉跨晴空南山久養千雲  
器東海初生貫日虹欲與龍庭宣化遠還開燕寢賦

詩工大材今作黃堂用民庶都而廣庇中

萬木堂為毘陵卞公禮賦

林隱高堂萬木青森然玉立勢亭亭春風送暖蒼連  
砌秋雨生涼葉滿庭坐愛繁陰簾半捲卧聽靈籟戶  
深高斧斤未許來樵採要養長材猷 大廷

咏梅次衍師韻

水郭山村路半交春

委漢女遊歸玉

梢梢人間何

壓枝何處斷

色蝶遲那識雪中

素裳此地一尊聊自慰

又

海天寒征玉人衣密雨踈烟晚漸披春後春前曾獨  
看江南江北每相思猿啼古驛征帆宿馬立荒郊酒  
帘垂擬折一枝供寂寞東風無那欲殘時

又

招得清魂句自工長州春到雪波融未逢人寄千山  
外忽訝君來一夜中縱隱荒榛猶的爍若穿深竹更

玲瓏酒空客去愁多處  
蕪蕪繁霜嫋嫋風

又

莫學新粧入漢宮  
春風多處易枝空  
遙尋尚憶僧房裏  
忽見偏怜客路中  
淡月微雲應萬樹  
荒山流水只孤鶩  
夢回一笑僊人遠  
碧海青天沒斷鴻

鶴歌二首

產自靈苗勝羽胎  
何須去作鳳  
飽來壺公本解飛騰  
術丁令寧為獲落材  
直上青天身恐繫  
倒傾碧海眼初開  
生成自是神仙器  
肯逐纍纍向草萊

又

遠隨仙客下青城  
瘦骨肥來見盡驚  
藜杖夜懸翻露影  
竹樽春瀉飲泉聲  
園中幾歲形容變  
海上何時羽翼成  
醉聽樹頭風歷歷  
還疑秋傍九皋鳴

次楊禮曹雨中養病

午晴書閣暫令開  
又聽鳴鴉竹外催  
身到遠山屏乍展  
手持明月扇初裁  
綠芳消砌風前蕙  
朱果封泥雨後梅  
曲巷掩關人寂寂  
今朝問疾有誰來

詩經酒室客去愁多... 吳學新詩入... 蘇詩西春詩... 吳學新詩入... 蘇詩西春詩... 吳學新詩入... 蘇詩西春詩...

又

蘇詩西春詩... 吳學新詩入... 蘇詩西春詩... 吳學新詩入... 蘇詩西春詩... 吳學新詩入... 蘇詩西春詩... 吳學新詩入...

蘇詩西春詩... 吳學新詩入... 蘇詩西春詩... 吳學新詩入... 蘇詩西春詩... 吳學新詩入... 蘇詩西春詩... 吳學新詩入...

